

Mick Antoniw AS

Y Cwnsler Cyffredinol a Gweinidog y Cyfansoddiad

19 Gorffennaf 2022

Annwyl Mick,

Cytundebau rhynglywodraethol

Ysgrifennaf i ofyn am wybodaeth yn ymwneud â chytundebau rhynglywodraethol rhwng Llywodraeth Cymru a Llywodraeth y DU.

Nododd adroddiad gwaddol y pwyllgor a'n rhagflaenodd:

Casgliad 10. Dylai ein Pwyllgor olynol sicrhau bod Llywodraeth nesaf Cymru yn darparu diweddariadau rheolaidd i'r Senedd ar nifer y cytundebau rhynglywodraethol sy'n ymwneud â gweithrediad darnau o ddeddfwriaeth sylfaenol, sut y maent yn cael eu defnyddio a phryd y dylid eu hadolygu.

Mae paragraff 17 o'r Cytundeb Cysylltiadau Rhyng-sefydliadol rhwng Senedd Cymru a Llywodraeth Cymru (Tachwedd 2021) yn dweud:

Bydd gan Lywodraeth Cymru dudalen ddynodedig ar ei gwefan yn cynnwys gwybodaeth am gytundebau rhynglywodraethol ffurfiol, fframweithiau cyffredin, concordatau, memoranda ac unrhyw benderfyniadau eraill y mae Llywodraeth Cymru a Llywodraeth y DU yn cytuno arnynt.

Nid ydym yn ymwybodol y cydymffurfiwyd â'r rhan hon o'r cytundeb mewn perthynas â chytundebau rhynglywodraethol.

Byddwn yn ddiolchgar felly pe gallech:

- i. darparu manylion pob cytundeb rhynglywodraethol sy'n ymwneud â deddfwriaeth sylfaenol sydd ar waith, sut maent yn cael eu defnyddio, a phryd y cânt eu hadolygu;



- ii. darparu manylion unrhyw gytundebau o'r fath yr ymrwymwyd iddynt gan Lywodraeth flaenorol Cymru nad ydynt bellach mewn grym, gan gynnwys pryd y daethant i ben;
- iii. rhoi gwybod i ni sut a phryd yr ydych yn bwriadu cyhoeddi manylion yr holl gytundebau sy'n ymwneud, neu sydd wedi ymwneud, â gweithredu deddfwriaeth sylfaenol, yn unol â pharagraff 17 o'r Cytundeb Cysylltiadau Rhyngsefydiadol.

Byddem yn ddiolchgar o gael eich ymateb erbyn 5 Medi 2022.

Yn gywir,

Huw Irranca-Davies

Huw Irranca-Davies
Cadeirydd

